



BIPW 3112 PEMIKIRAN KRITIS DAN KREATIF

LAPORAN PROJEK AKHIR IDEA INOVASI SOSIAL

SHARING IS CARING

KUMPULAN 3:

No.	AHLI KUMPULAN	NO MATRIK
1.	HURUL AIN BINTI ARIFADZILAH	B032010216
2.	IRDINA WAFA BINTI MAHAMMAD	B032110162
3.	MUHAMMAD AFIQ FAHMI BIN SAAD	B032110083
4.	NOR ATHILAH BINTI MOHAMED AZMI	B032110514
5.	NUR AFFENDY BIN AMIRUDIN	B032110455
6.	NUR SHARMEEN BINTI AMIRUDIN	B032010473
7.	NURUL ALIA FATIAH BINTI SHAHRUL ANUAR	B032110026
8.	SADIY SYAHMI RABBANI BIN JAMALUDIN	B032110459
9.	SITI NUR ALYA BINTI ROSLI	B032110021

PENSYARAH: DR. ZANARIAH BINTI JANO

Link video: <https://youtu.be/ciLn7scqP40>

ISI KANDUNGAN

1.0.Pengenalan.....	2
1.1.Latar Belakang.....	2
1.2.Objektif.....	4
2.0 Pernyataan Masalah.....	5
3.0 Cadangan Idea Inovasi Sosial.....	7
3.1 Cadangan.....	7
4.0 Perbincangan.....	9
4.1 Impak kepada golongan gelandangan.....	9
4.2 Impak kepada komuniti.....	9
4.3 Impak kepada sukarelawan.....	10
4.4 Impak kepada organisasi.....	10
5.0 Penutup.....	11
6.0 Rujukan.....	13
7.0 Lampiran.....	14

1.0 PENGENALAN

1.1 LATAR BELAKANG

'Sharing is Caring' merupakan tema projek kami, di mana projek ini bertujuan untuk membantu golongan gelandangan semampu kami boleh. Selaras dengan tugas kami iaitu projek akhir idea inovasi sosial di mana, inovasi sosial adalah satu produk atau proses yang muncul untuk menyelesaikan masalah serta menyusun penyelesaian yang inovatif bagi memenuhi tuntutan masyarakat. Isu gelandangan bukan lagi satu isu yang baru, isu ini telah lama wujud dan semakin membimbangkan kerana peningkatan jumlah gelandangan saban tahun. Isu gelandangan ini bukan hanya berlaku di negara kita, akan tetapi isu ini juga berlaku di negara-negara maju dan negara-negara yang sedang membangun, sama ada kita sedar ataupun tidak akan kehadiran golongan ini.

Setiap negara yang mempunyai isu ini turut berusaha untuk menyelesaikan isu ini. Hal ini kerana isu gelandangan ini dapat mempengaruhi pandangan orang luar ataupun pelancong terhadap negara yang sedang mereka kunjungi. Contohnya, di Malaysia, pihak berkuasa dan badan-badan bukan kerajaan turut berganding bahu untuk menyelesaikan isu ini. Di Kuala Lumpur sahaja, dianggarkan sekitar 1500 hingga 2000 orang gelandangan pada tahun 2016, dan 90% terdiri daripada rakyat Malaysia. Mengapa golongan gelandangan ini boleh wujud? Apa faktor yang membuat golongan ini semakin meningkat saban tahun?

Berdasarkan statistik oleh Jabatan Kebajikan Masyarakat (JKM) pada tahun 2010, faktor-faktor yang menjadi punca individu-individu ini menjadi gelandangan adalah kerana tiada pekerjaan, miskin dan berpendapatan rendah, miskin, tua dan sebatang kara, penagihan dadah, masalah mental, bekas banduan, tiada tempat tinggal dan banyak lagi.

Tujuan projek kami dijalankan adalah untuk membantu golongan memerlukan ini atau golongan gelandangan yang berada di sekitar negeri Melaka. Kawasan-kawasan yang popular padan tahun sekitar 1990-an telah menjadi sepi, kotor, dan terbiar, dan kawasan ini secara tidak langsung menjadi kawasan golongan ini untuk berehat, atau tidur pada malam hari. Tinjauan oleh pihak Melaka Hari Ini (MHI) di kawasan deretan rumah kedai di Jalan Hang Tuah, mereka mendapati golongan ini sedang mencari makanan, mengutip tin untuk dijual bahkan hingga menyelongkar tong sampah untuk mencari kotak, botol, dan tin. Malah, disebabkan pandemik Covid-19 yang melanda negara kita pada tahun 2019 telah menyebabkan golongan ini semakin meningkat.

Jadi dengan adanya projek ini, kami berharap dapat membantu pihak kerajaan Melaka untuk mengurangkan isu ini, kerana tidak semua daripada golongan ini ingin menjadi gelandangan, akan tetapi keadaan yang mendesak membuat mereka rela menjadi gelandangan untuk meneruskan hidup. Ini yang berlaku kepada seorang gelandangan di sekitar Bandaraya Melaka yang memaklumkan bahawa terpaksa menjual tisu dan mengharapkan belas ihsan orang ramai setelah sihentikan kerja sementara sebagai pembantu kedai.

1.2 OBJEKTIF

Objektif utama projek adalah untuk membantu golongan gelandangan ini semampu yang boleh dengan menyediakan makanan percuma kepada individu yang terlibat supaya golongan ini tidak perlu berlapar atau bahkan perlu memakan makan sisa dan menyelongkar tong sampah untuk mencari makanan.

Selain itu, kami berharap dengan wujudnya projek ini, kami dapat menggalakkan penglibatan golongan belia dan memupuk sifat kemasyarakatan antara rakyat. Ini selaras dengan harapan penyelaras Dewan Undangan Negeri (DUN) Bandar Hilir, Datuk Abdul Razak Abdul Rahman yang berharap akan lebih banyak badan bukan sukarelawan (NGO) terutama anak muda iaitu golongan belia terlibat dengan misi-misi bantuan begini bagi membantu golongan yang memerlukan ini.

Akhir sekali, dengan projek ini dapat mendedahkan kepada pelajar kemahiran kepimpinan dan bekerja secara berpasukan. Hal ini kerana projek atau program seperti ini memerlukan banyak tenaga dari beberapa individu, bukan dari seorang individu untuk dijayakan. Jadi pihak kami berharap dengan wujudnya projek ini, kemahiran kepimpinan dan kemahiran bekerja dalam pasukan dapat ditingkatkan selari dengan dapat mengurangkan jumlah gelandangan yang di sekitar Melaka dan seterusnya di negara kita, Malaysia.

2.0 PERNYATAAN MASALAH

1. Apakah permasalahan yang hendak diselesaikan.

Permasalahan yang hendak diselesaikan adalah berkaitan isu golongan gelandangan yang jumlahnya semakin membimbangkan di negara kita. Dengan permasalahan ini yang menjadi panduan utama kami dalam menjalankan projek kami, kami ingin focus menyelesaikan isu ini dari Melaka terlebih dahulu sebelum melibatkan diri untuk membantu pihak lain untuk menyelesaikan isu golongan gelandangan ini di kawasan luar Melaka.

2. Siapakah yang terlibat?

Golongan yang terlibat dalam masalah ini adalah gelandangan di mana golongan ini merupakan individu yang tidak mempunyai tempat tinggal serta pendapatan, hal ini membuat mereka tidur di kaki lima.

3. Mengapa ia berlaku?

Hal ini berlaku kerana beberapa faktor seperti tiada pekerjaan, miskin dan berpendapatan rendah, miskin, tua dan sebatang kara, penagihan dadah, pengabaian, miskin dan tua, masalah mental, sakit melarat, tiada tempat tinggal, bekas banduan, dan banyak lagi. Disebabkan faktor yang dinyatakan membuat masalah berkaitan golongan gelandangan ini semakin memprihatkan terutama dengan pandemik Covid-19 yang mula berlaku pada tahun 2019 sekaligus menyebabkan jumlah pengangguran di negara kita semakin meningkat.

4. Di mana ia berlaku?

Masalah ini sering berlaku di kawasan miskin jika di bandar. Di Melaka pula, tempat yang sering berlaku masalah ini adalah tempat-tempat sepi, kotor, dan terbiar. Contohnya di deretan rumah kedai di Jalan Hang Tuah yang menjadi tempat golongan gelandangan ini berkeliaran serta tidur pada malam hari.

5. Bagaimana anda dan kumpulan akan mengatasi?

Kami mengatasi isu gelandangan ini dengan menyediakan makanan percuma untuk diberikan kepada golongan ini. Dengan pemberian makanan ini, kami dapat membantu serba sedikit pihak kerajaan mahupun bukan kerajaan yang cuba membendung isu ini. Pada peringkat seterusnya, seperti penyediaan tempat tinggal sementara atau pemberian pekerjaan akan dilakukan oleh pihak yang terlibat.

3.0 CADANGAN IDEA INOVASI SOSIAL

Cadangan idea inovasi sosial membincangkan tentang cadangan projek inovasi yang telah dilakukan iaitu Sharing is Caring iaitu sebuah projek sumbangan makanan kepada gelandangan. Ini adalah bagi tujuan membantu golongan gelandangan sekali gus menanam sikap bertimbang rasa dalam diri.

3.1 CADANGAN

Berdasarkan projek yang telah dilakukan, terdapat beberapa cadangan yang boleh dilakukan bagi menambahbaik hasil yang boleh diperoleh dan meminimumkan kekurangan hasil daripada pelaksanaan projek. Bagi membantu golongan gelandangan, bukan sahaja dari segi makanan malah boleh juga dilakukan secara aktiviti-aktiviti sosial.

Antaranya adalah dengan melakukan aktiviti-aktiviti sosial atau program pemulihan. Hal yang demikian, boleh menanam sesuatu kemahiran atau mengasah bakat baru para gelandangan. Bukan sahaja mempelajari kemahiran, mereka juga boleh meningkatkan daya sosial dan nilai-nilai murni dalam diri mereka seperti keyakinan, keberanian dan kerajinan. Berdasarkan kajian, faktor yang mendorong kepada gelandangan adalah disebabkan ketidakmampuan diri dari segi modal, kecacatan fizikal dan sifat yang malas. Contoh aktiviti yang boleh dilakukan adalah menjahit, menanam atau bertukang.

Selain itu, dengan mengadakan program pemeriksaan kesihatan kepada para gelandangan. Hal ini kerana terdapat gelandangan yang mempunyai masalah kesihatan dan juga kecacatan fizikal. Melakukan pemeriksaan kesihatan ini adalah amat penting kerana golongan gelandangan tinggal di tempat yang tidak bersih malah ada juga yang mempunyai penyakit dan hal ini jika tidak dirawat boleh membahayakan lagi kesihatan mereka. Program ini boleh dijalankan sama ada dengan kerjasama pihak kebajikan masyarakat mahupun kementerian kesihatan.

Cadangan seterusnya adalah melakukan program motivasi. Program motivasi boleh mendedahkan para gelandangan tentang kepentingan hidup. Melalui program ini, golongan gelandangan boleh membina dan memulih semangat mereka dalam menjalani kehidupan yang bakal ditempuhi. Hal ini menerapkan dalam diri mereka semangat tidak mudah putus asa dan sentiasa berusaha dalam melakukan sesuatu perkara.

Akhir sekali, wujudkan pusat perlindungan sementara untuk gelandangan. Kebanyakan gelandangan tidak suka pergerakan mereka dikawal kerana terasa dikurung, maka cadangan ini amat digalakkan kerana mereka boleh bergerak ke tempat lain dan hanya perlu pulang ke pusat pada masa yang diingini. Gelandangan dibenarkan untuk berehat, bersihkan diri dan tidur di pusat ini. Tidur yang mencukupi amat penting, antara kebaikan tidur yang mencukupi ialah untuk menguatkan sistem keimunan, menambahbaik kesihatan fizikal dan fungsi otak yang sihat. Kebersihan diri juga amat penting untuk mengelakkan gelandangan dari penyakit berbahaya seperti kutu tubuh badan dan kepala dan karies.

4.0 PERBINCANGAN

Pada bahagian perbincangan ini akan membincangkan mengenai impak idea inovasi sosial kepada kumpulan sasar, komuniti dan yang berkaitan melalui program yang telah kami jalankan iaitu memberi makanan kepada golongan gelandangan di sekitar Bandar Melaka. Perbincangan ini terbahagi kepada empat bahagian iaitu:

4.1 Impak kepada golongan gelandangan

4.2 Impak kepada komuniti

4.3 Impak kepada sukarelawan

4.4 Impak kepada organisasi

4.1 Impak kepada golongan gelandangan

Secara keseluruhannya, hasil dari pelaksanaan program ini banyak memberi impak yang besar terutamanya kepada golongan gelandangan. Pemerhatian mendapati bahawa idea inovasi sosial kepada kumpulan gelandangan seperti program pemulihan, pemeriksaan kesihatan dan program motivasi membuktikan bahawa kesihatan fizikal dan mental golongan gelandangan ini merupakan bahagian yang penting untuk semua pihak. Program seperti ini dapat membantu golongan gelandangan dalam membina semula keyakinan ketika berhadapan dengan setiap lapisan masyarakat.

4.2 Impak kepada komuniti

Secara keseluruhannya, program ini secara tidak langsung dapat menghubungkan masyarakat dan golongan gelandangan dengan membantu mereka untuk kelangsungan hidup yang lebih baik. Contohnya, seperti pelaksanaan program sosial untuk golongan gelandangan dapat meningkatkan kemahiran sosial gelandangan serta dapat bergerak bersama-sama komuniti masyarakat dalam meningkatkan taraf hidup.

4.3 Impak kepada sukarelawan

Secara keseluruhannya, impak idea inovasi sosial kepada sukarelawan ialah dapat menyemai sikap belas insan, minda terbuka, kesediaan untuk melakukan apa juga yang diperlukan serta bersikap positif ketika berhadapan dengan golongan gelandangan ini. Selain itu, sukarelawan ini dapat mengisi masa lapang mereka dengan aktiviti yang berfaedah secara tidak langsung dapat menyelami kehidupan golongan gelandangan ini.

4.4 Impak kepada organisasi

Secara keseluruhannya, program ini juga memberi impak kepada pertubuhan organisasi. Pelaksanaan program ini secara tidak langsung dapat menaikkan nama organisasi yang banyak menyumbang dari segi wang dan tenaga. Dengan adanya pelbagai program inovasi sosial kepada golongan gelandangan, organisasi ini dapat mengurangkan perbelanjaan kos makanan dan kesihatan kerana bilangan gelandangan semakin berkurangan jika program seperti ini kerap dilakukan.

5.0 PENUTUP

Sharing is Caring adalah suatu program bertujuan untuk membantu golongan memerlukan atau golongan gelandangan semampu yang boleh dengan menyediakan makanan percuma kepada individu yang terlibat supaya golongan gelandangan ini tidak perlu berlapar atau bahkan perlu memakan makan sisa dan menyelongkar tong sampah mencari makanan untuk kelangsungan hidup. Program ini juga untuk menarik minat dan menggalakkan lebih ramai penglibatan dari golongan belia dan sedikit sebanyak dapat memupuk sifat kemasyarakatan diantara sesama komuniti. Ianya juga bagi mendedahkan kepada mahasiswa dan mahasiswi tentang kemahiran memimpin dan bagaimana untuk bekerja secara berpasukan dapat ditingkatkan selari dengan dapat mengurangkan jumlah gelandangan yang berada di sekitar Negeri Melaka.

Isu gelandangan ini bukanlah isu yang kecil, sebaliknya peranan semua pihak perlu dimainkan sebaiknya. Sungguhpun masalah gelandangan kian mendapat perhatian masyarakat tempatan, ia masih sukar diselesaikan kerana isu sensitif ini membabitkan pelbagai faktor kecenderungan. Menurut kenyataan yang telah dikeluarkan oleh Timbalan Perdana Menteri, Datuk Seri Dr. Ahmad Zahid Hamidi (Akhbar Utusan, 2015), beliau menegaskan bahawa masalah gelandangan perlu diselesaikan segera secara holistik bagi memastikan Malaysia menjadi sebuah negara yang sejahtera untuk semua.

Hal ini boleh dilakukan dengan menggunakan pendekatan yang melibatkan sukarelawan, kaunselor terlatih, pakar psikologi dan psikiatri serta pendakwah. Dalam masa yang sama, pihak kerajaan juga mengkaji keperluan untuk mengadakan penilaian impaksosial bagi projek-projek yang berhampiran dengan penempatan rakyat. Hal ini supaya perancangan mitigasi masalah sosial boleh disediakan oleh pemaaju. Projek berteraskan rakyat, khususnya melibatkan penempatan ini dilihat penting.

Pada pendapat kami, dengan adanya program sebegini sedikit sebanyak dapat merapatkan jurang masyarakat Malaysia dengan gelandangan di sekitar Malaysia. Dengan penglibatan komuniti terutamanya mahasiswa dan mahasiswi dalam aktiviti kemasyarakatan sebegini, kita dapat melahirkan generasi masyarakat yang mempunyai sikap mengambil berat akan kebajikan dan kesengsaraan gelandangan yang memerlukan.

Pelbagai cabaran dan ilmu yang kami peroleh semasa menyiapkan tugas ini. Tugas ini juga telah sedikit sebanyak membuka minda, meluaskan pengetahuan dan memberikan kami pengalaman yang baru kerana kami juga dapat mendekati beberapa orang gelandangan untuk beramah mesra dan mendengar luahan hati mereka. Program ini banyak memberi kesedaran kepada kami bahawa masih ramai lagi yang hidup susah, tiada rumah dan masih memerlukan bantuan daripada kita semua terutamanya golongan muda iaitu belia seperti kami. Oleh itu, dengan adanya program ini sedikit sebanyak dapat memberi banyak impak yang besar terutamanya terhadap diri kami di samping dapat membantu golongan gelandangan tersebut dalam meneruskan kelangsungan hidup serta dapat melestarikan kehidupan komuniti di Malaysia.

6.0 RUJUKAN

- UKM-Indonesia. (n.d.). *Memahami Inovasi sosial*. UKM Indonesia. Retrieved June 12, 2022, from <https://www.ukmindonesia.id/baca-artikel/202>
- Waspodo, S. (2021, July 3). *Apa itu Inovasi Sosial? Halaman 1 - Kompasiana.com*.
KOMPASIANA.
<https://www.kompasiana.com/sontoloyo10521/5c7a224b677ffb7b86081687/apa-itu-inovasi-sosial>
- Ar, D. (2017, January 5). 17 Faktor Berlakunya Fenomena Gelandangan Di Malaysia.
VOCKET. <https://www.thevocket.com/17-faktor-berlakunya-fenomena-gelandangan-di-malaysia/>
- Team, W. I. (2021, November 3). *Dianggarkan Terdapat 2,000 Gelandangan Di Kuala Lumpur, Malaysia*. Wiki Impact. <https://www.wikiimpact.com/gelandangan-di-malaysia/>
- Hasan, F. (2021, June 27). *'Port lejen' Melaka kini jadi setingan gelandangan?*
Melakahariini. <https://www.melakahariini.my/port-lejen-melaka-kini-jadi-setingan-gelandangan/>
- Yap, J. (2020, May 18). *Gelandangan oh gelandangan*. Sinarharian.
<https://www.sinarharian.com.my/article/83978/KOLUMNIS/Gelandangan-oh-gelandangan>
- Azahar, S. (2021, January 25). *Fahami gelandangan serta beri perhatian yang lebih*.
MalaysiaNow. <https://www.malaysianow.com/wacana/2021/01/25/fahami-gelandangan-serta-beri-perhatian-yang-lebih/>

7.0 LAMPIRAN



Rajah 7.1 Bekalan makanan mula diagihkan



Rajah 7.2 Sesi temu bual bersama gelandangan



Rajah 7.3 Gelandangan terima bekalan makanan